



Broj: 03-03-05-18068/17  
Sarajevo, 26.01.2018. godine

KANTONALNI STAMBENI FOND  
SARAJEVO

Broj: 02-289/2018  
Datum: 06. februar 2018.

Ministarstvo pravde i uprave Kantona Sarajevo rješavajući po zahtjevu Kantonalnog stambenog fonda Sarajevo, broj: 02-1757/2017 od 22.12.2017. godine, za davanje odobrenja za izradu pečata, na osnovu člana 9. stav 1. Zakona o pečatu Kantona Sarajevo („Službene novine Kantona Sarajevo“, broj 3/09 – Prečišćeni tekst i 36/15), te člana 11. stav 1. tačka 1. Zakona o upotrebi grba i zastave Kantona Sarajevo („Službene novine Kantona Sarajevo“, broj 3/09 – Prečišćeni tekst i 36/15), donosi

## RJEŠENJE

1. Odobrava se Kantonalnom stambenom fondu Sarajevo izrada pečata u obliku kruga, prečnika i slijedećeg sadržaja:

- dva okrugla pečata prečnika 50 mm (veliki pečat), koji u prvom koncentričnom krugu sadrži tekst: “Bosna i Hercegovina – Federacija Bosne i Hercegovine”, u drugom koncentričnom krugu tekst: “KANTON SARAJEVO”, ispisan velikim slovima, u trećem koncentričnom krugu naziv: Kantonalni stambeni fond Sarajevo – Sarajevo, a u sredini pečata je grb Kantona Sarajevo. Pečate treba numerisati, jedan pečat rednim brojem “1” a drugi pečat rednim brojem “2”. Nazivi iz naprijed navedenog teksta pečata ispisuju se istovremeno latinicom i ćirilicom,

- dva okrugla pečata prečnika 30 mm (mali pečat), koji u prvom koncentričnom krugu sadrži tekst: “Bosna i Hercegovina – Federacija Bosne i Hercegovine”, u drugom koncentričnom krugu tekst: “KANTON SARAJEVO”, ispisan velikim slovima, u trećem koncentričnom krugu naziv: Kantonalni stambeni fond Sarajevo – Sarajevo, a u sredini pečata je grb Kantona Sarajevo. Pečate treba numerisati, jedan pečat rednim brojem “1” a drugi pečat rednim brojem “2”. Nazivi iz naprijed navedenog teksta pečata ispisuju se istovremeno latinicom i ćirilicom.

2. Danom izrade pečata Kantonalni stambeni fond Sarajevo dužan je odmah Ministarstvu pravde i uprave Kantona Sarajevo dostaviti pečate na otisak i obavijestiti o datumu početka upotrebe pečata.

## Obrazloženje

Kantonalni stambeni fond Sarajevo podnio je zahtjev Ministarstvu pravde i uprave Kantona Sarajevo broj: 02-1757/2017 od 22.12.2017. godine izdavanje odobrenja za izradu pečata. U zahtjevu navedeno je da se shodno članu 6. Zakona o pečatu Kantona Sarajevo („Službene novine Kantona Sarajevo“, broj 3/09 – Prečišćeni tekst i 36/15) odobri izrada dva pečata prečnika 50mm i dva pečata prečnika 30mm, uz koji je dostavljena kopija izvoda iz Statuta Kantonalnog stambenog fonda Sarajevo broj: 02-196-2/2006 od 16.02.2006. godine. Uvidom u izvod iz Statuta fonda utvrđeno je da je odredbama člana 7. Statuta propisano da fond ima pečat. Pečat fonda je okruglog oblika u kome je ispisan slijedeći sadržaj: “Kantonalni stambeni fond Sarajevo – Sarajevo”. Dalje je propisano da način korištenja, čuvanja i uništavanja pečata, njihov broj, vrsta i veličina regulisana je Zakona o pečatu Kantona Sarajevo.

Razmatrajući zahtjev za donošenje rješenja o odobrenju izrade pečata Ministarstvo pravde i uprave Kantona Sarajevo je izvršilo uvid u evidenciju o svim izrađenim pečatima, te nije moglo utvrditi da je donijelo rješenje kojim je odobrilo izradu pečata Kantonalnom stambenom fondu Sarajevo.

Kako bi Ministarstvo pravde i uprave Kantona Sarajevo u skladu sa odredbama člana 9. Zakona o pečatu Kantona Sarajevo postupilo po podnesenom zahtjevu, aktom broj: 03-03-05-18068/17 od 03.01.2017. godine zatraženo je od Kantonalnog stambenog fonda Sarajevo da u roku od osam dana od dana prijema akta, dostavite informaciju da li je i kada ministarstvo donijelo rješenje kojim je dalo odobrenje za izradu pečata sa kojim je ovjeren predmetni zahtjev za odobrenje izrade pečata, kao i za druge pečate sa kojim raspolazete, te ukoliko eventualno jeste, da dostavi informaciju o broju rješenja i datum donošenja rješenja. Postupajući po zahtjevu, Kantonalni stambeni fond Sarajevo dostavio je informaciju broj: 02-1757-2/2017 od 16.01.2018. godine u kojoj je navedeno da Ministarstvo pravde i uprave Kantona Sarajevo u proteklom periodu nije donosilo rješenje o odobrenju izrade pečata, te sa podnošenjem predmetnog zahtjeva iskazuje jasnu namjeru da uskladi oblik i sadržaj vlastitih pečata sa Zakonom o pečatu Kantona Sarajevo.

Cijeneći navode iz zahtjeva za odobravanje izrade pečata, utvrđeno je da u skladu sa članom 2. stav (1) Zakona o pečatu Kantona Sarajevo, pečat Kantona Sarajevo između ostalih imaju kantonalna ministarstva, kantonalne uprave i kantonalne upravne organizacije, stručne i druge službe koje osniva Vlada Kantona i drugi kantonalni organi i organizacije.

Zahtjev za odobravanje izrade pečata u pogledu oblika i sadržaja pečata, kao i veličine i broja pečata, osnovan je u skladu sa čl. 4. i 5. Zakona o pečatu Kantona Sarajevo.

Danom izrade pečata, podnosilac zahtjeva za odobravanje izrade pečata Kantonalni stambeni fond Sarajevo dužan je odmah Ministarstvu pravde i uprave Kantona Sarajevo dostaviti pečate na otisak i obavijestiti o datumu početka upotrebe pečata, kako je propisano u članu 11. Zakona o pečatu Kantona Sarajevo, radi vođenja evidencije.

Imajući u vidu navedeno, podnosilac zahtjeva Kantonalni stambeni fond Sarajevo ispunjava uslove za odobrenje izrade pečata u pogledu oblika, sadržaja, veličine i broja pečata, pa je u skladu sa članom 9. stav (1) Zakona o pečatu Kantona Sarajevo („Službene novine Kantona Sarajevo“, broj 3/09 – Prečišćeni tekst i 36/15), te člana 11. stav (1) tačka 1. Zakona o upotrebi grba i zastave Kantona Sarajevo („Službene novine Kantona Sarajevo“, broj 3/09 – Prečišćeni tekst i 36/15), odlučeno kao u dispozitivu rješenja.

#### **Pouka o pravnom lijeku**

Ovo rješenje je konačno u upravnom postupku, te protiv njega nije dopuštena žalba. Može se pokrenuti upravni spor tužbom kod Kantonalnog suda u Sarajevu u roku od 30 dana od dana dostavljanja ovog rješenja. Tužba se podnosi u dva istovjetna primjerka, a uz istu se prilaže ovo rješenje u originalu ili prepisu.

Dostaviti:

1. Kantonalnom stambenom fondu Sarajevo (dva primjerka),  
ulica Hiseta broj 13-a,
2. Ministarstvu unutrašnjih poslova Kantona Sarajevo,
3. evidenciji,
4. arhivi.

